

四庫全書

集部

欽定四庫全書

御定全唐詩卷七十一

劉憲

劉憲字元度宋州寧陵人弱冠擢進士第累遷左臺監察御史貶潁水令召為鳳閣舍人神龍初自吏部侍郎出刺渝州尋入為修文館學士歷太子詹事卒武后時勅吏部糊名考判求高才惟憲與王適司馬鎰梁載言入第二等集三十卷今編詩一卷

奉和聖製立春日侍宴內殿出剪綵花應制

上林宮館好

一作裏

春光

一作心

獨早知剪花疑始發刻燕

似新窺色濃輕雪點香淺嫩風吹此日叨陪侍恩榮得  
數枝

奉和人日清暉閣宴羣臣遇雪應制

輿輦乘人日登臨上鳳京風尋歌曲颺雪向舞行縈千  
官隨輿合萬福與時

一作春

并承恩長若此微賤幸昇平

奉和七夕宴兩儀殿應制

秋吹過雙闕星仙動二靈更深移月鏡河淺度雲駟殿

上呼

一作微

方朔人間失

一作識

武丁天文茲夜裏光映紫

微庭

奉和九月九日聖製登慈恩寺浮圖應制

飛

一作香

塔雲

一作層

霄半清晨羽旆遊

一作仙淨境遊

登臨憑

季月廖廓見中州御酒新寒退天文瑞景留

一作寶氣浮

辟

一作却

邪將獻壽茲日奉千秋

閏九月九日幸總持寺登浮圖應制

重陽登閨序上界叶時巡駐輦天花落開筵妓樂陳城  
端剎柱見雲表露盤新臨晚光輝滿飛文動睿神

侍宴長寧公主東莊

公主林亭地清晨降玉輿畫橋飛渡水仙閣涌臨

一作凌

虛晴新看蛺蝶夏早摘芙蓉文酒娛遊盛忻叨侍從餘

奉和送金城公主入西蕃應制

外館踰河右行營指路岐和親悲遠嫁忍愛泣將離旌  
旆卷風引軒車漢月隨那堪馬上曲時向管中吹

奉和聖製登驪山高頂寓目應制

驪阜鎮皇都鑿遊眺八區原隰旌門裏風雲宸座隅直  
城如斗柄官樹似星榆從臣詞賦未濫得上天衢

奉和幸白鹿觀應制

玄遊乘落暉仙宇藹霏微石梁縈澗轉珠旆掃壇飛芝  
童薦膏液松鶴舞駉駉還似瑤池上歌成周馭歸

折楊柳

沙塞三河道金閨二月春碧煙楊柳色紅粉綺羅人露

葉憐啼臉風花思舞中攀持君不見為聽曲中新

奉和立春日內出綵花樹應制

一作人日大明宮應制

禁苑韶年

一作華光

此日歸東郊道上轉青旂柳色梅芳

何處所風前雪裏窺芳菲開水池內魚新

一作初

躍剪綵花

聞燕始飛欲識王遊布陽氣為觀天藻競春暉

奉和春日幸望春宮應制

暮春春色最便妍苑裏花開列御筵

一作南

山積翠臨

城起滌水浮光共幕連鶯藏嫩葉歌相喚蝶礙芳叢舞

不前歡娛節物今如此願奉宸遊億萬年

奉和幸安樂公主山莊應制

主家別墅帝城隈無勞海上覓蓬萊一作石嶂一作懸流平

地起危樓曲閣半天開庭莎作薦舞行出浦樹相將一作

障歌棹回此日風光與形勝祇言作伴聖詞來

興慶池侍宴應制

蒼龍闕下天泉池軒駕來遊簫管吹綠堤夏篠繁不散  
冒水新荷卷復披帳殿疑從畫裏出樓船直在鏡中移



自然東海神仙處何用西崑轍迹疲

奉和幸大薦福寺應制

地靈傳景福天駕儼鉤陳佳哉藩邸舊赫矣梵宮新香  
塔魚山下禪堂雁水濱珠幡映白日鏡殿寫青春甚歡  
延故吏大覺拯生人幸承歌頌末長奉屬車塵

奉和幸三會寺應制

岩堯倉史臺敞朗紺園開戒旦壺人集

一作警

翻霜羽騎

來下輦登三襲褰旒望九垓林披館陶滂水浸昆明灰

網戶飛花綴幡竿度鳥迴  
豫遊仙唱動瀟灑出塵埃

奉和幸長安故城未央宮應制

漢宮千祀外軒駕一來遊  
夷蕩長如此威靈不復留  
憑高睿賞發懷古聖情周  
寒向南山斂春過北渭浮  
土功昔云盛人英今所求  
幸聽熏風曲方知霸道羞

奉和幸禮部尚書竇希玠宅應制

一作陪幸  
五王宅

北斗樞機任西京肺腑親  
疇昔王門下今茲御一作幸

辰恩光山水被聖作管弦新  
遙坐熏紅藥當軒暗綠筠

摘荷纔早夏聽鳥尚餘春行漏今徒晚風煙起觀津

奉和聖製幸望春宮送朔方大總管張仁亶

命將擇者年圖功勝必全光輝萬乘餞威武二庭宣中  
衢橫鼓角曠野蔽旌旃推食天府至投醪御酒傳涼風  
過雁苑殺氣下雞田分閫恩何極臨岐動睿篇

奉和幸韋嗣立山莊侍宴應制

東山有謝安枉道降鳴鑿緹騎分初日霓旌度曉寒雲  
蹕巖間下虹橋澗底盤幽棲俄以屆聖矚宛餘歡

一作觀

崖懸飛溜直岸轉綠潭寬  
桂華堯酒泛松響舜琴彈  
明主恩斯極賢臣節更彈  
不才叨侍從詠德以濡翰

人日翫雪應制

勝日登臨雲葉起芳風搖蕩雪花飛  
呈一作星暉幸得承

金鏡颺彩一作影還將一作持奉玉衣

上巳日被禊渭濱應制

桃花欲落柳條長沙頭水上足風光  
此時御蹕來遊處願奉年年被禊觴

苑中遇雪應制

龍驄曉入望春宮正逢春雪舞東

一作香

風花光併灑

一作

在天文上寒氣行

一作都

消御酒中

夜宴安樂公主新宅

層軒洞戶旦新披度曲飛觴夜不疲綺綴玲瓏河色曉

一作

珠簾隱映月華窺

奉和聖製幸韋嗣立山莊

非吏非隱晉尚書一丘一壑降乘輿天藻緣情兩曜合

山巵獻壽萬年餘

· 餞唐永昌

始見郎官拜洛陽旋聞近侍發雕章緒言已最期年政

綺字當

一作先

生滿路光

御定全唐詩卷七十一

欽定四庫全書

御定全唐詩卷七十二

高正臣

高正臣廣平人襄州刺史衛尉卿習右軍書法睿宗最  
愛其筆詩二首

晦日置酒林亭

是宴凡二十一人皆以華  
字為韻陳子昂為之序

正月符嘉節三春翫物華  
忘懷寄尊酒陶性狎山家  
柳翠含煙葉梅芳帶雪花  
光陰不相借一作惜遲遲落景斜



晦日重宴

是宴九人皆以池字為韻周彥暉為之序

芳辰重游衍乘景共追隨  
班荆陪舊識傾盖得新知  
水葉分蓮沼風花落柳枝  
自符河朔趣寧羨高陽池

崔知賢

崔知賢高宗時人詩三首

晦日宴高氏林亭

上月河陽地芳辰景物

一作望

華縣蠻變時鳥照曜起春

霞柳搖風處色梅散日前  
花淹留洛城晚歌吹石崇家

上元夜效小庾體

上元之遊凡六人皆以春  
字為韻長孫正隱為之序

今夜啟城闈結伴戲芳春  
鼓聲撩亂動風光觸處新月  
下多遊騎燈前饒看人  
歡樂無窮已歌舞達明晨

三月三日宴王明府山亭

得魚字 同賦六  
人孫慎行為之序

調露二年暮春三日同集於王令公之林亭申交  
契也夫尚平遠跡尋五藥於西山仲連高蹈讓千  
金於東海遺形却立終希獨善之資非患解紛未  
洽隨時之義豈若天地交泰朝野歡娛元巳迨辰

李陽司月列芳林而薦賞控清洛以開筵追李郭  
之佳遊嗣裴王之故事遠近送春日表裏壯皇居  
曾幹霞騫燭城陰於翠鷁浮梁霧絕寫川態於文  
虹樹密如鱗花繁似霰魚縱相忘之樂鶯逸求友  
之聲景物載華心神已至於是愜佳宴滌煩襟沿  
杯曲水折中幽徑流波度曲自諧中散之弦舞蝶  
成行無忝季倫之伎而歲不我與人生若浮揮魯  
陽之戈奔曦可駐騁山公之騎餘興方適度志陳

詩式紀良會仍探一字六韻成章

京洛皇居芳禊春餘影媚元巳和風上除雲開翠帶水  
鶩鮮居林渚紫暎煙霞卷舒花飄粉蝶藻躍文魚沿波  
式宴其樂只且

席元明

席元明高宗時人詩一首

三月三日宴王明府山亭

得郊字

日惟上巳時亨有巢中尊引桂芳筵藉茅書僮僮筆膳

夫行魚煙霏萬雉花明四郊沼蘋白帶山花紫苞同人  
聚飲千載神交

韓仲宣

韓仲宣高宗時人詩四首

晦日宴高氏林亭

欲知行有樂芳尊對物華地接安仁縣園是李倫家柳

處雲疑

一作凝

葉梅間雪似花日落歸途遠留興

一作與

伴

煙霞

晦日重宴

鳳苑先

一作光

吹晚

一作曉

龍樓夕照披陳遵已投轄山公

正坐

一作出

池落日催金奏飛霞送玉卮此時陪綺席不

醉欲何為

上元夜效小庾體

他鄉月夜

一作下

人相伴看燈輪光隨九華出影共百枝

新歌鐘盛北里車馬沸南鄰今宵何處好惟有洛城春

三月三日宴王明府山亭

得花字

河濱上巳洛汭春華碧池涵日翠暈澄霞溝垂細柳岸  
擁平沙歌鶯響樹舞蝶驚花雲浮寶馬水韻香車熟記  
行樂淹留景斜

周彥昭

周彥昭高宗時人詩一首

晦日宴高氏林亭

勝地臨雞浦高會偶龍沙御柳驚春色仙筇掩月華門  
邀千里馭杯泛九光霞日落山亭晚雷送七香車

高球

高球高宗時人詩二首

晦日宴高氏林亭

溫洛年光早皇州景望華連鑣尋上路乘興入山家輕  
苔網危石春水架平沙賞極林塘暮處處起煙霞

三月三日宴王明府山亭

得煙字

洛城春禊元巳芳年季倫園裏逸少亭前曲中舉白談  
際生玄陸離軒蓋淒清管弦萍跡波蕩柳弱風牽未淹



歡趣林溪夕煙

卷七十二

弓嗣初

弓嗣初登咸亨二年進士第一人詩二首

晦日宴高氏林亭

上序春暉麗中園物候華高才盛文雅逸興滿煙霞參

差金谷樹

一作榭

皎鏡碧塘沙蕭散林亭晚倒載欲還家

晦日重宴

年華藹芳隰春溜滿新池促賞依三友延歡寄一卮鳥

聲隨管變花

一作柳

影逐風移行樂方無極淹留惜晚曦

高瑾

高瑾渤海人士廉之孫登咸亨元年進士第詩四首

三月三日宴王明府山亭

得哉字

暮春元巳春服初裁童冠八九于洛之隈河堤草變鞞  
樹花開逸人談發仙御舟來間闕黃鳥澆滯丹腮樂飲  
命席優哉悠哉

晦日宴高氏林亭

試入山亭望言是石崇家二月風光起三春桃李華鶯  
吟上喬木雁往息平沙相看會取醉寧知還路賒

晦日重宴

忽聞鶯響谷於此命相知止開彭澤酒來向高陽池柳  
葉風前弱梅花影處危賞洽林亭晚落照下參差

上元夜效小庾體

初年三五夜相知一兩人連鑣出巷口飛轂下池湄燈  
光恰似月人面併如春遨遊終未已相歡待日輪

王茂時

王茂時高宗時人詩一首

晦日宴高氏林亭

踐勝

一作勝踐

尋良會乘春翫物華還隨張放友來向石崇

家止水分巖鏡閉

一作開

庭枕浦沙未極林泉賞參差落

照斜

徐皓

徐皓高宗時人詩一首

晦日宴高氏林亭

綺筵乘暇景瓊醕對年華門多金埒騎路引壁人車蘋  
早猶藏葉梅殘正落花藹藹林亭晚餘興促一作泛流霞

長孫正隱

長孫正隱高宗時人詩二首

晦日宴高氏林亭

晦晚屬煙霞遨遊重歲華歌鐘雖戚里林藪是山一作仙

家細雨猶開日深池不漲沙淹留迷處所巖岫幾重花

上元夜效小庾體同用春字

并序

夫執燭夜遊古人之意豈不重光陰而好娛樂哉  
且星度如環晷纔周而已襲月華猶鏡魄哉生而  
遽圓忽兮遇春俄兮臨望重城之扉四闕車馬轟  
闐五劇之燈九華綺羅紛錯茲夕何夕而遨遊之  
多趣乎且九谷帝畿三川輿域交風均露上分朱  
鳥之躔泝洛背河下鎮蒼龍之闕多近臣之第宅  
即瞰銅街有貴戚之樓臺自連金穴美人競出錦

障如霞公子交馳  
調鞍似月同遊  
洛浦疑尋稅馬  
之津爭渡河橋  
似向牽牛之渚  
實昌年之樂事  
令節之佳遊者  
焉而戒曉嚴鐘  
俄喧綺陌分空  
落宿已半朱城  
蓋陳良夜之歡  
共發乘春之藻  
仍為庾體四韻  
成章同以春為  
韻

薄晚嘯遊人車馬  
亂驅塵月光三五  
夜燈燄一重春煙  
雲迷北闕蕭管識  
南鄰洛城終不閉  
更出小平津

高紹

高紹考功郎中詩一首

晦日宴高氏林亭

嘯侶入山家  
臨春翫物華  
葛弦調綠水  
桂醕酌丹霞  
岸柳開新葉  
庭梅落早花  
興洽林亭晚  
方還倒載車

郎餘令

郎餘令定州新樂人博學知名兼善畫擢進士第授霍  
王元軌府參軍改著作佐郎詩一首

晦日宴高氏林亭



三春休晦節九谷泛年華半晴餘細雨全晚澹殘霞尊  
開踈竹葉管應落梅花興闌相顧起流水送香車

陳嘉言

陳嘉言武后時酷吏詩三首

晦日宴高氏林亭

公子申敬愛攜朋翫物華人是平陽客地即石崇家水  
文生舊浦風色滿新花日暮連歸騎長川照晚霞

晦日重宴

高門引一作臨冠蓋下客抱支離綺席珍羞滿文場翰藻

擣冀華彫上月一作葉柳色藹春池日斜歸戚里連騎勒

金羈

上元夜效小庾體

今夜可憐春河橋多麗人寶馬金為絡香車玉作輪連  
手窺一作紫潘掾分頭看洛神重城自不掩出向小平津

周彥暉

周彥暉登咸亨五年進士第詩二首

晦日宴高氏林亭

砌莫收晦魄津柳競年華既狎忘筌友方淹投轄車綺  
筵迴舞雪瓊醕泛流霞雲低上天晚絲雨一作帶風斜

晦日重宴

春華歸柳樹俯景落莫枝置驛銅街右開筵玉浦臨林  
煙含障密竹雨帶珠危興闌巾倒戴山公下習池

高嶠

高嶠司門郎中詩二首

晦日宴高氏林亭

飛觀寫春望，開宴坐汀沙。積溜

一作水

含苔色，晴空蕩日

華歌入平陽。第舞對石崇，家莫慮能騎馬。投轄自停車。

晦日重宴

駕言尋鳳侶，乘歡俯雁池。班荆逢舊識，斟桂喜深知。紫  
蘭方出徑，黃鶯未轉枝。別有陶春日，青天雲霧披。

劉友賢

劉友賢高宗時人詩一首

晦日宴高氏林亭

春來日漸賒琴酒逐年華欲向文通逕先遊武子家池

碧新流

一作泉

滿巖紅落照斜興闌情未盡

一作極

步步惜

風花

周思鈞

周思鈞貝州漳南人與兄北門學士思茂俱早知名武  
后時為太子文學貶揚州司倉參軍終中書舍人詩二

首


晦日宴高氏林亭

早春驚柳穠初晦掩  
莫華騎出平陽里  
筵開衛尉家竹影含  
雲密池文帶雨斜  
重惜林亭晚上路滿  
煙霞

晦日重宴

綺筵乘晦景高宴下  
陽池濯雨梅香散  
含風柳色移輕塵  
依扇落流水入弦  
危勿顧林亭晚方  
歡雲霧披

御定全唐詩卷七十二



欽定四庫全書

集部

御定全唐詩卷七十三  
六至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官庶吉士臣范鏊

謄錄監生臣黃嘉績



欽定四庫全書

御定全唐詩卷七十三

蘇題

蘇題字廷碩瓌之子幼敏悟一覽至千言輒覆誦擢進士第調烏程尉舉賢良方正歷監察御史神龍中遷給事中修文館學士中書舍人明皇愛其文由工部侍郎進紫微侍郎知政事與李義對掌書命帝曰前世李嶠蘇味道文擅當時號蘇李今朕得題及又何愧前人襲

父封爵號小許公後罷為益州長史復入知吏部選事  
卒謚文憲題以文章顯與燕國公張說稱望略等世稱  
燕許集三十卷今編詩二卷

祭汾陰樂章

奇和

禮物斯具樂章乃陳誰其作主皇考聖真對越在天聖  
明佐神窅然汾上厚澤如春

奉和聖製行次成舉途經先聖擒建德之所感

而成詩應制

漢東不執象河朔方鬪龍夏滅漸寧亂唐興終奮庸皇  
威正赫赫兵氣何匈匈用武三川震歸淳六代釀成準  
觀王業天下致人雍即此巡於岱曾孫受命封

奉和聖製登蒲州逍遙樓應制

在昔堯舜禹遺塵成典謨聖皇東巡狩况乃經此都樓  
觀紛迤邐河山幾縈紆緬懷祖宗業相繼文武圖尚一作  
持德既無險觀風諒有孚豈如汾水上簫鼓事遊娛

奉和聖製過晉陽宮應制

隋運與天絕生靈厭氛昏聖期在寧亂士馬興太原立

極萬邦推登庸四海尊慶膺神武帝業付皇曾孫緬慕

封唐道追惟歸沛魂詔一作昭書感先義典禮巡舊藩高

殿綵雲合春旗祥風翻率西見汾水奔北空一作窺塞垣

款曲童兒佐依遲故老言里頌慈惠賞家受復除恩下

輦崇三教一作都建碑當九門孝思敦一作昭至美億載

奉開元

奉和姚令公溫湯舊館永懷故人盧公之作

樹德豈孤邁降神良竝出偉茲廊廟楨一作中調彼鹽梅

實正悅虞垂舉翻悲鄭僑卒同心不可忘交臂何為失

清路荷前幸明時稱右弼曾聯野外遊一作速尚記惟中

密新慟情莫遣舊遊詞更述空令還辱和長歎一作感知

音日

和杜主簿春日有所思

朝上高樓上俯見洛陽陌搖蕩吹花風落英紛已積美人不共此芳好空所惜攬鏡塵網滋當牕苔蘚碧緬懷

在雲漢良願睽枕席翻似無見時如何久為客

餞郢州李使君

楚有章華臺遙遙雲夢澤復聞擁符傳及是收圖籍佳  
政在離人能聲寄侯伯離懷朔風起試望秋陰積中路  
悽以寒羣山靄將夕傷心聊把袂悵悵一作悵望麒麟客

餞唐州高使君赴任

永日奏文一作對時東風搖蕩夕浩然思樂事翻復餞征

客淮水春流清楚山暮雲白勿言行路遠所貴專城伯

曉濟膠川南入密界

飲馬膠川上，傍膠南。趣密林遙飛，鳥遶雲去。晴山出落

暉，隱桑柘秋原。

一作深秋

被花實慘然。遊子寒風露，將蕭瑟。

夜發三泉即事

暗發三泉山，窮秋聽騷屑。北林夜鳴雨，南望曉成雪。祇

詠北風涼，詎知南土熱。沙溪忽沸渭，石道乍明滅。宛若

銀磧橫，復如瑤臺結。指程賦

一作則

所戀，遇虞不遑歇。重

纒濡，莫解懸旌凍。猶揭下奔泥，棧楛上覲雲。梯設搏頰

羸馬頓回眸，喘人跌憧憧。往復還心注，思逾切冉冉。  
將病力困衰，怠竭天彭信。方隅地勢誠，斗絕忝曳尚書。  
履叨兼使臣，節京坻有歲饒。亭障無邊孽，歸奏丹墀左。  
騫能俟來哲。

小園納涼即事

煩暑避蒸鬱，居閑習高明。長風自遠來，層閣有餘清。  
散灑納涼氣，蕭條遺世情。奈何誇大隱，終日繫塵纓。

昆明池晏坐答王兵部珣三韻見示



畫舸疾如飛遙遙汎夕暉石鯨吹浪隱玉女步塵歸獨  
有銜恩處明珠在釣磯

奉和聖製春臺望應制

壯麗天之府神明王者宅大君乘飛龍登彼復懷昔圓  
闕朱光燄橫山翠微積河沂流作表縣聚開成陌即舊  
在皇家維新具物華雲連所上居恒屬日更時中望不  
斜三月滄池搖積水萬年青樹綴新一作點驚花暴嬴國此  
嘗圖霸業後仁先以詐東破諸侯西入秦咸陽北阪

南渭津詩書焚熱散學士高閣奢踰嬌美人事徃覆輶  
經遠喻春還按蹕憑高賦戎觀愛力深惟省越厭陳方  
何足務清吹遙遙發帝臺宸文耿耿照天迴伯夷位事  
愚臣忝喜奏聲成鳳鳥來

長相思

君不見天津橋下東流水南望龍門北朝市楊柳青青  
宛地垂桃紅李白花參差花參差柳堪結此時憶君心  
斷絕

蜀城哭台州樂安少府

遠遊躋劔閣長想屬天台萬里隔三載此邦余重來音  
容曠不覩夢寐殊悠哉邊郡饒藉藉晚庭正回回喜傳  
上都封因促傍吏開向悟海鹽客已而梁木摧變衣寢  
門外揮涕少城隈却記分明得猶持委曲猜師儒昔訓  
獎仲季時童孩服義題一作陳書篋邀歡汎酒杯斲令風  
雨散仍迫歲時迴其道惟正直其人信美德白頭還作  
尉黃綬固非才可歎懸蛇疾先貽問鵬災故鄉閉窮壤

宿草生寒，芳零落九原去。蹉跎四序，催曩期冬。贈橘今  
哭夏成梅，執禮誰為。眉居常不徇財，北登嶮巖，坂東望  
姑蘇臺。天路本懸絕，江波復一作空。泝洄念孤心，易斷追  
往恨。艱哉不遂，卿將伯孰云。陳與雷吾衰亦如此，夫子  
復何哀。

立春日侍宴內出剪綵花應制

曉入宜春苑，穠芳吐禁中。剪刀因裂素，妝粉為開紅。彩  
異驚流雪，香饒點便風。裁成識天意，萬物與花同。

春日芙蓉園侍宴應制

御道紅

一作虹

旗出芳園翠輦遊繞花開水殿架竹起山

樓荷芰輕薰幄魚龍出負舟寧知穆天子空賦白雲秋

奉和聖製人日清暉閣宴羣臣遇雪應制

樓觀空煙裏初年瑞雪過苑花齊玉樹池水作銀河七  
日祥圖啟千春御賞多輕飛傳綵勝天上奏薰歌

奉和七夕宴兩儀殿應制

靈媛乘秋發仙裝警夜催月光窺欲渡河色辨應來機

石天文寫鉞樓御賞開竊觀棲鳥至疑向鵲橋迴

奉和九日幸臨渭亭登高應制得時字

嘉會宜長日高筵順動時曉光雲外洗晴色雨餘滋降

鶴因韶德吹花入御詞願陪陽數節億萬九秋期

紀事作并

數登高日延齡命賞時宸遊天上轉秋物雨未滋降鶴  
秋仙馭吹花入睿詞微臣復何幸長得奉恩私語多不  
同今茲載之

遊禁苑幸臨渭亭遇雪應制

平明啟帝居霰雪下凌虛寫月含珠綴從風薄綺疏年

驚花絮早春動管絃初已屬雲天外欣承霈澤餘

奉和送金城公主適西蕃應制

帝女出天津和戎轉屬

一作綺

輪川經斷腸望地與析支

鄰奏曲風嘶馬銜悲月伴人旋知偃兵革長是漢家親

奉和聖製登驪山高頂寓目應制

仙蹕御層氛高高積翠分巖聲中谷應天語半空聞豐

樹連黃葉函關入紫雲聖圖恢寓縣歌賦小

一作少

橫汾

幸白鹿觀應制

碧虛清吹下藹藹入仙宮松磴攀雲絕花源接澗空受  
符邀羽使傳訣註香童詎似閑居日徒聞有順風

題壽安王主簿池館

洛邑通馳道韓郊在屬城館將花雨映潭與竹聲清賢  
俊鸞棲棘賓遊馬佩衡願言隨狎鳥從此濯吾纓

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲浮泉  
暖驚銀磧花寒愛一作映玉樓鼎臣今有問河伯且應留



秋社日崇讓園宴得新字

鳴爵三農稔勾龍百代神運昌叨輔弼時泰喜黎民樹  
缺池光近雲開日影新生全應有地長願樂交親

奉和魏僕射秋日還鄉有懷之作

南宮夙拜罷東道晝遊初飲餞傾冠蓋傳呼問里閭樹  
悲懸劔所溪想釣璜餘明發輝光至增榮一作喧聞駟馬車

武擔山寺

武擔獨蒼然墳山下玉泉鼈靈一作龜趺時共畫龍女事同

遷松栢銜哀處幡花種福田詎知留鏡石長與法輪圓  
餞潞州陸長史再守汾州

河尹政成期為汾昔所推不榮三入地還美再臨時擁  
傳雲初合聞鶯日正遲道傍一作傍人多出餞別有吏民思

餞荊州崔司馬

茂禮雕龍昔香名展驥初水連南海漲星拱北辰居稍  
發仙人履將題別駕輿明年徵拜入荆玉不藏諸

送吏部李侍郎東歸得歸字

陌上有光輝披雲向洛畿  
賞來榮扈從別至惜分飛  
泉溜含風急山煙帶日微  
茂曹今去矣人物喜東歸

送光祿姚卿還都

漢室有英台荀家寵俊

一作多寵

才九卿朝已入三子暮同

來不授綸為草還同鼎  
用梅兩京王者宅駟馬日應迴

春晚送瑕丘田少府還任因寄洛中鏡上人

聞道還沂上因聲寄洛濱  
別時花欲盡歸處酒應春  
聚散同行客悲歡屬故人  
少年追樂地遙贈一霑巾

送賈起居奉使入洛取圖書因使拜觀

舊國才因地當朝史命官遺文徵闕簡還思采芳蘭傳  
發關門候觴稱邑里歡早持京副入旋佇洛書刊

送常侍舒公歸覲

朝聞講藝餘晨省拜恩初訓胄尊庠序榮親耀里閭未  
丹華轂送斑白綺筵舒江上春流滿還應薦躍魚

興州出行

危途曉未分驅馬傍江清滴滴泣花露微微出岫雲松

梢半吐月蘿翳漸移曛旅客腸應斷吟猿更使聞

邊秋薄暮

一作  
出塞

海外秋鷹擊霜前旅雁歸邊風思鞞鼓落日慘旌麾浦  
暗漁舟入川長獵騎稀客悲逢薄暮况乃事戎機

曉發方騫驛

傳置遠山蹊龍鍾蹶澗泥片陰常作雨微照已生霓鬢  
髮愁氛換心情險路迷方知向蜀者偏識子規啼

經三泉路作

三月松作花春行日漸賒竹障

一作妨

山鳥路藤蔓

一作沒

野人家透石飛梁下尋雲絕磴斜此中誰與樂揮涕語

年華

故高安大長公主挽詞

彤管承師訓青圭備禮容孟孫家代寵元女國朝封柔  
軌題貞順閑規賦肅雍寧知落照盡霜吹入悲松

贈司徒豆盧府君挽詞

寵贈追胡廣親臨比賀循幾聞投劔客多會服總人草

閉墳將古松陰

一作深

地不春二陵猶可望存歿有忠臣

故右散騎常侍舒國公褚公挽詞

陽翟疏豐構臨平演慶源學筵尊授几儒服寵乘軒審  
諭留中密開陳與上言徂暉一不借空有賜東園

奉和初春幸太平公主南莊應制

主第山門起灞川宸遊風景入初年鳳皇樓下交天仗

烏鵲橋頭

一作邊

敞御筵徃徃花間逢綵石時時竹裏見

紅泉今朝危蹕平陽館不羨乘槎雲漢邊

奉和春日幸望春宮應制

東望望春春可憐更逢晴日柳含煙宮中下見南山盡

城上平臨北斗懸細草偏承回輦處輕花微落奉觴前

一作飛花故落舞筵前

宸遊對此歡無極鳥哢聲聲入管絃

一作鳥哢

管絃

人日重宴大明宮恩賜綵縷人勝應制

疏龍磴道切昭回建鳳旗門繞帝臺七葉仙萸依

一作承

月吐千株御柳拂煙開初年競貼宜春勝長命先浮一作



添獻壽杯是日皇

一作最

靈知竊幸羣心就

一作能

捧大明

來

侍宴安樂公主山莊應制

駸駸羽騎歷城池  
帝女樓臺向晚披  
霧灑旌旗雲外出  
風回巖岫雨中移  
當軒半落天河水  
繞徑全低月樹枝  
簫鼓宸遊陪宴日  
和鳴雙鳳喜來儀

興慶池侍宴應制

降鶴池前回步輦  
棲鸞樹杪出行宮  
山光積翠遙疑逼

水態含青近若空

以上二句初云山光逼嶼疑無地水態迎帆若有風時為趙郡李又范陽

盧從愿所賞但未及押風字故易之

直視天河垂象外俯窺京室畫圖

中皇歡未使恩波極日暮樓船更起風

廣達樓下夜侍醑宴應制

東嶽封迴宴洛京西墉通晚會公卿樓臺絕勝宜春苑  
燈火還同不夜城正觀人間朝市樂忽聞天上管絃聲  
醑來萬舞羣臣醉喜戴千年聖主明

龍池樂章

唐享龍池樂章第七章

西京鳳邸躍龍泉佳氣休光鎮在天軒后霧圖今已得  
秦王水劍昔常傳恩魚不入一作似昆明釣瑞鶴長如太  
液仙願侍巡遊同舊里更聞蕭鼓濟樓船

扈從鄴杜間奉呈刑部尚書舅崔黃門馬常侍

翠輦紅旗出帝京長楊鄴杜昔知名雲山一一看皆美

一作異竹樹蕭蕭一作叢叢畫不成羽騎將過持袂拂香車欲

度捲簾行漢家曾草巡遊賦何似今來應聖明

景龍觀送裴士曹

昔日嘗聞公主

一作相

第今時變作列仙家池傍坐客穿

叢篠樹下遊人掃落花雨雪

一作雲雨

長疑向函谷山泉直

似到流沙君還洛邑分明記此處同來閱歲華

春晚紫微省直寄內

直省清華接建章向來無事日猶長花間燕子棲鷓鴣

竹下鷓鴣繞

一作宿

鳳皇內史通宵承紫誥中人落晚愛

紅妝別離不慣無窮憶莫誤卿卿學太常

贈彭州權別駕

雙流脈脈錦城開  
追餞年年往復迴  
祇道歌謠迎半刺  
徒聞禮數揖中台  
黃鶯急嘯春風盡  
斑馬長嘶落景催  
莫愴分飛岐路別  
還當奏最掖垣來

寒食宴于中舍別駕兄弟宅

子推山上歌龍罷  
定國門前結駟來  
始覩元昆鏘玉至  
旋聞季子佩刀迴  
晴花處處因風起  
御柳條條向日開  
自有長筵歡不極  
還將一作持綵服詠南陔

九月九日望蜀臺

蜀王望蜀舊臺前  
九日分明見一川  
北料鄉關方自此  
南辭城郭復依然  
青松繫馬攢巖畔  
黃菊留人籍道邊  
自昔登臨湮滅盡  
獨聞忠孝兩能傳

御定全唐詩卷七十三

欽定四庫全書

御定全唐詩卷七十四

蘇題

奉和晦日幸昆明池應制

炎曆事邊陲  
昆明始鑿池  
豫遊光後聖  
征戰罷前規  
霽色清珍宇  
年芳入錦陂  
御杯薦葉仙  
仗柳交枝二石  
分河瀉雙珠  
代月移微臣  
比翔泳恩廣  
自無涯

奉和聖製幸禮部尚書竇希玠宅應制

尚書列侯第外戚近臣家飛棟臨青綺迴輿轉翠華日  
交當戶樹泉漾滿池花圓頂圖嵩石方流擁魏沙豫遊  
今聽履侍從昔鳴笳自有天文降無勞訪海槎

奉和幸韋嗣立山莊應制

攢金寒野霽步玉曉山幽帝幄期松子臣廬訪葛侯百  
工徵徃夢七聖扈來遊斗柄乘時轉台階捧日留樹重  
巖籟合泉併水光浮石徑喧朝履璜溪擁釣舟恩如犯  
星夜歡擬濟河秋不學堯年隱空令傲許由



奉和聖製送張說上集賢學士賜宴得茲字

肅肅金殿裏招賢固在茲鏘鏘石渠內序拜亦同時宴

錫歡

一作勤

談道文成貴說詩用儒今作相敦學舊為師

下際天光近中來帝渥滋國朝良史載能事日論思

奉和聖製途經華嶽應制

朝望蓮華嶽神心就日來晴觀五千仞仙掌拓山開受  
命金符叶過祥玉瑞陪霧披乘鹿見雲起馭龍迴偃樹  
枝封雪殘碑石冒苔聖皇惟道契文字勒巖隈

奉和聖製經河上公廟應制

河流無日夜河上有神仙輦路曾經此壇場即宛然下  
疑成洞穴高若在空中煙善物遺方外和光繞道邊事因  
周史得言與一作向漢王傳喜屬膺期聖邦家業又玄

奉和聖製答張說出雀鼠谷

雨施巡方罷雲從訓俗迴密途汾水衛清蹕晉郊陪寒  
著山邊盡一作靜春當日下來御祠玄鳥應仙仗綠楊開  
作頌音傳雅觀文色動台更知西向樂宸藻協一作音鹽

梅

奉和恩賜樂遊園宴應制

樂遊光地選，醑飲慶天從。  
座密千官盛，場開百戲容。  
綠塍際山盡，緹一作翠幕倚雲重。  
上下花齊發，周迴柳遍濃。  
奪晴紛劔履，喧聽雜歌鐘。  
日晚銜恩散，堯人併可封。

恩制尚書省寮宴昆明池同用堯字

露渥灑雲霄，天官次斗杓。  
昆明四十里，空水極晴朝。  
雁似銜紅葉，鯨疑噴海潮。  
翠山來徹底，白日去迴標。  
泳廣

漁杖溢浮深妓舫搖飽恩皆醉止合舞共歌堯

奉和聖製幸望春宮送朔方大總管張仁亶

北風吹早雁日夕渡河飛氣冷膠

一作葭

應折霜明草止

非老臣帷幄筭元宰廟堂機餞飲迴仙蹕臨戎解御衣  
軍裝乘曉發師律候春歸方佇勲庸盛天詞降紫微

奉和聖製登太行山中言志應制

北山東入海馳道上連天順動三光注登臨萬衆懸  
觀河內邑平指洛陽川按蹕夷關險張旗亘井泉  
晚巖

中警柝春事下蒐田德重周王問歌輕漢一作魏后傳宸

遊鋪令典睿思起芳年願以封書奏迴鑾禪肅然

奉和聖製漕橋東送新除岳牧

寶賢不遺俊臺閣盡鷄鸞未若調一作安人切其如簡帝

難上才膺出典中旨念分官特以專城貴深惟列郡安  
政行思務本風靡屬勝殘有令田知急無分獄在寬至  
言題睿札殊渥灑仙翰詔餞三台降朝榮萬國歡舉杯  
臨水發張樂擁橋觀式佇東封會鏘鏘檢玉壇

奉和聖製途次舊居應制

潞國臨淄邨天王別駕輿出潛離隱際小往大來初東  
陸行春典南陽即舊居約川星罕駐扶道日旂舒雲覆  
連行在風迴助掃除木行城邑望舉落土田疏昔試邦  
興后今過俗篚予示威寧校獵崇讓不陳魚府更趨宸  
扈鄉耆捧帝車帳傾三飲處閑整六飛餘盛業銘汾鼎  
昌期應洛書願陪歌賦末留比蜀相如

奉和聖製至長春宮登樓望稼穡之作

帝迹奚其遠皇符之所崇敬時堯務作盡力禹稱功赫  
赫惟元后經營自左馮變蕪杭稻實流惡水泉通國阜  
猶前豹人疲詎昔熊黃圖巡沃野清吹入離宮是闕京  
坻富仍觀都邑雄憑軒一何綺積溜寫晴空禮節家安  
外和平俗在中見龍垂渭北辭雁指河東睿思方居鎬  
宸遊若飲豐寧誇子雲從祇為獵扶風

利州北佛龕前重于去歲題處作

重巖載者

一作戴清

美分塔起層標蜀守經塗處巴人作禮

朝地疑三界出空是六塵銷臥石鋪蒼蘚行滕覆綠條  
歲年書有記非為學題橋

閑園即事寄韋侍郎

一作御

結廬東城下直望江南山青靄遠相接白雲來復還拂  
筵紅蘚上開幔綠條閒物應春偏好情志趣轉閑憲臣  
饒美度

一作此

聯事惜徂顏有酒空盈酌高車不可攀

扈從溫泉同紫微黃門羣公汎渭川得齊字

虹旗映綠萐春仗漢豐西侍蹕浮清渭揚舸降紫泥近



臨釣石地遙指釣璜溪岸轉帆飛疾川平棹舉齊傳舟  
來是用軒馭往應迷興闕一作發菱歌動沙洲亂夕鷺

餞趙尚書攝御史大夫赴朔方軍

勁虜欲南窺

一作飛

揚兵護朔陲趙堯寧易印鄧禹即分

麾野餞迴三傑軍謀用

一作出

六奇雲邊愁

一作看

出塞日

下愴臨岐拔劍行人舞揮戈戰馬馳明年麟閣上充國

畫

一作拜

於斯

曉發興州入陳平路

旌節指巴岷年年行且巡暮來青嶂宿朝去綠江春魚  
貫梁緣馬猿奔樹息人邑祠猶是漢溪道即名陳舊史  
饒遷謫恒情厭苦辛寧知報恩者天子一忠臣

同饒陽將軍兼源州都督御史中丞

右地接龜沙中朝任虎牙然明方改俗去病不為家將  
禮登壇盛軍容出塞華朔風搖漢鼓邊馬思胡笳旗合  
無邀正一作整冠危有觸邪當看勞一作榮還日及此御溝  
花

扈從鳳泉和崔黃門喜恩旨解嚴罷園之作

輦路岐山曲，儲胥渭水湄。  
教成提將鼓，禮備植虞旗。  
不取從畋樂，先流去殺慈。  
舜韶同舞日，湯祝盡飛時。  
物應陽和施，人知雨露私。  
何如穆天子，七萃幾勞師。

秋夜寓直中書呈黃門舅

簾櫳上夜鉤，清切聽更籌。  
忽共雞枝老，還如騎省秋。  
循庭喜三入，對渚憶雙遊。  
紫綬名初拜，黃縑迹尚留。  
月舒當北幌，雲賦直東樓。  
恩渥迷天施，童蒙慰我求。  
遲君台

鼎節聞義一承流

先是新昌小園期京兆尹一訪兼郎官數子自  
頃沈痾年復一年茲願不果率然成章

獨好中林隱先期上月春閑花傍戶落喧鳥逼簷馴寂  
冥東坡叟傳呼北里人在山琴易調閑甕酒歸醇佇望  
應三接彌留忽幾旬不疑丹火變空負綠條新鬪蟻聞  
常日歌龍值此辰其如衆君子嘉會阻清塵

奉和馬常侍寺中之作

英華作奉和魏僕射  
春日還鄉有懷之作

怨暑時云謝愆陽澤暫偏鼎陳從祀日鑰動問刑年絳  
服龍霄寢玄冠馬使旋作霖期傳說為早聽周宣河嶽  
陰符啟星辰暗檄傳浮涼吹景氣飛動灑空烟颯颯將  
秋近沈沈與暝連分湍涇水石合穎雍州田德施超三  
五文雄賦十千及斯一作私何以樂明主敬人天

慈恩寺二月半寓言

二月韶春半三空霽景初獻來應有受滅盡竟無餘化  
迹傳官寺歸誠謁梵居殿堂花覆席觀閣柳垂疏共命

枝間鳥長生水，上魚問津窺彼岸。一作鏡迷路得真車行。

密幽關靜談精，俗態祛稻麻欣。所遇蓬籜愴焉如，不駐。

秦京陌還題蜀郡輿，愛離方自此迴望獨躊躇。

餞澤州盧使君赴任

聞道降綸書為邦，建綵旗政憑循。吏往才以貴，卿除詞  
賦良無敵。聲華藹有餘，榮承四岳後。請絕五天初，關路  
通秦壁。城池接晉墟，撰期行子賦。分典列侯居，別望喧  
追餞。離言繫慘舒，平蕪寒蜚亂。喬木夜蟬踈，寥泬秋先。

起推移月向諸舊交何以贈客至待烹魚

陳倉別隴州司戶李維深

京國自攜手同途欣解頤情言正的的春物宛遲遲忽

背雕戎

一作戈

役旋瞻獲寶祠蜀城余出守吳岳爾歸思

歡慙更傷此眷殷殊念茲揚麾北林徑跂石南澗湄中  
作壺觴餞回添道路悲數花臨磴日百草覆田時有美  
同人意無為行子辭酣歌拔劍起毋是答恩私

奉和崔尚書贈大理陸卿鴻臚劉卿見示之作

戲藻嘉魚樂棲梧見鳳飛類從皆有召聲應乃無違美

價逢時出奇才選衆稀避堂貽後政掃第

一作地

發前幾

出曳仙人履還熏侍女衣省中何赫奕庭際滿芳菲吏  
部端清鑒丞郎肅紫機會心歌詠是迴迹宴言非北寺  
鄰玄闕南城寫翠微參差交隱見髣髴接光輝賓序嘗  
柔德刑孚已霽威巨源林下契不速自同歸

敬和崔尚書大明朝堂雨後望終南山見示之

作



奕奕輕車至清晨朝未央未央在宵極中路視咸陽委  
曲漢京近周迴秦塞長日華動涇渭天翠合岐梁五丈  
旌旗色百層粉檉光東連歸馬地南指鬪雞場晴壑照  
金祀秋雲含壁璫由余窺霸國蕭相奉興王功役隱不  
見頌聲存復揚權宜珍構絕聖作一作寶圖昌在德期  
巢燧居安法禹湯冢卿才順美多士賦成章價重三臺  
台一作俊名超百郡良馬知掖垣下陳力自迷方

夜聞故梓州韋使君明當引緋感而成章

惻矣南鄰問冥然東岱幽里閑寧相杵朝歎忽遷舟君  
心惟伯仲吾人復歎遊對連時亦早交喜歲纔周序發  
扶陽贈文因司寇酬詎期危露盡相續逝川流卧疾無  
三弔居閑有百憂振風吟一作吹鼓夕明月照帷秋鮮駁  
題詩館楊踈奏伎樓共將歌笑歎轉為弟兄留感物存  
如夢觀生去若浮余非忘情者雪涕報林丘

御箭連中雙兔

宸遊經上苑羽獵向閑田狡兔初迷窟纖驪詐著鞭三

驅仍百步一發遂雙連影射含霜草魂消向月弦歡聲  
動寒木喜氣滿晴天那是陳王意空隨樂府篇

奉和聖製過潼津關

在德何夷險觀風復往還自能同善閉中路可無關

山鷓鴣詞二首

玉關征戍久空閨人獨愁寒露濕青苔別來蓬鬢秋  
人坐青樓晚鶯語百花時愁多人易老斷腸君不知

汾上驚秋

北風吹白雲萬里渡河汾心緒逢搖落秋聲不可聞

山驛閑卧即事

息燕歸簷靜飛花落院閑不愁愁自著誰道憶鄉關

將赴益州題小園壁

歲窮惟益老春至却辭家可惜東園樹無人也作花

詠禮部尚書廳後鵲

時將重入蜀

懷印喜將歸窺巢戀且依自知棲不定還欲向南飛

詠死兔

紀事云珠初未知題有客請珠侏於客次題擁舊庭廡問客具其詠崑崙奴詩

請加禮收舉環稍親之有人獻兔懸於廊廡環召令詠之云云環覽詩異之

兔子死蘭彈持來挂竹竿試將明鏡照何異月中看

夜宴安樂公主新宅

車如流水馬如龍仙史高臺十二重天上初移衡漢匹

可憐歌舞夜相從

一作逢

侍宴桃花園詠桃花應制

桃花灼灼有光輝無數成蹊點更飛為見芳林含笑待  
遂同溫樹不言歸

奉和聖製韋韋嗣立莊應制

樹色參差隱翠微  
泉流百尺向空飛  
傳聞此處投竿住  
遂使茲辰扈蹕歸

重送舒公

散騎金貂服綵衣  
松花水上逐春歸  
懸知邑里遙相望

事主榮親

一作樂事生榮

代所稀

句

飛埃結紅霧  
遊蓋飄青雲

紀事云長安盛遊春題製詩云云明皇嘉賞以御花親插

中其

指如十挺墨耳似兩張匙

詠崑崙  
裔奴

丑雖有足甲不

全身見君無口知伊少人

題幼年有京兆尹過  
父璩命詠尹字云云

御定四庫全書

卷七十四

御定全唐詩卷七十四



欽定四庫全書

御定全唐詩卷七十五

姜晞

姜晞上邳人登永隆元年進士第官工部侍郎散騎常侍封金城郡公詩一首

龍池篇

靈沼縈迴邸第前浴日涵春

一作天

寫曙天始見龍臺昇

鳳闕應如霄漢起神泉石匱渚傍還啟聖桃李初生更

有仙欲化帝圖從此受正同河變一千年

姜皎

姜皎晞從兄弟長安中為尚衣奉御明皇以藩邸有舊  
拜殿中監封楚國公恩寵莫比遷太常卿後坐貶死詩  
一首

龍池篇

龍池初出此龍山常經此地謁龍顏日日芙蓉生夏水  
年年楊柳變春灣堯壇寶匣餘煙霧舜海漁舟尚徃還

願似飄飄五雲影從來從去九天關

一作間

蔡孚

蔡孚開元中為起居郎詩二首

奉和聖製龍池篇

帝宅王家大道邊神馬潛龍

一作神龜

湧聖泉昔日昔時經

此地看來看去漸成川歌臺舞榭宜正月柳岸梅洲勝

往年莫疑言

一作

波上春雲少祇為從龍直上天

打毬篇

并序

臣謹按打毬者往之蹴鞠古戲也黃帝所作兵勢  
以練武士知有材也竊美其事謹奏打毬篇一章

凡七言九韻

德陽宮北苑東頭雲作高臺月作樓金鍤玉蓋

一作鑿

千

金地寶杖瑠文七寶毬竇融一家三尚主梁冀頻封萬  
戶侯容色由來荷恩顧意氣平生事俠游共道用兵如  
斷蔗俱能走馬入長楸紅鬣錦鬃風驟驥黃絡青絲電  
紫駟奔星亂下花場裏初月飛來畫杖頭自有長鳴須

決勝能馳迅走

一作足

滿先籌薄暮漢宮愉樂罷還歸堯

室曉垂旒

徐鼎

徐鼎與胡皓蔡孚同時官魯郡錄事詩五首

阮公體

秦王按劔怒發卒戍龍沙雄圖尚未畢海內已紛拏黃  
塵暗天起白日斂精華唯見長城外僵屍如亂麻

同蔡孚五亭詠

章奏中京

一作丹堦

罷雲泉別業歸拂琴鋪野席牽柳挂朝

衣翡翠巢書愧鴛鴦立釣磯幽栖可憐處春事滿林扉

蔡起居山亭

文史歸休日棲閑卧草亭薔薇一架紫石竹數重青垂  
露和仙藥燒香誦道經莫將山水弄持與世人聽

送友人尉蜀中

故友漢中尉請為西蜀吟人家多種橘風土愛彈琴水  
向昆明濶山連一作道大夏深理閑無別事時寄一登臨

贈溫駙馬汝陽王

疇昔承餘論文章幸濫推夜陪銀漢賞朝奉桂山詞梁  
郎調歌日秦樓按舞時登高頻作賦體物屢為詩連騎  
長楸下浮觴曲水湄北堂留上客南陌送佳期憶昨陪  
臨泛于今阻宴私再看冬雪滿三見夏花滋都尉朝青  
閣淮王侍紫墀寧知倦遊者華髮老京師

張敬忠

張敬忠官監察御史以文史著稱張仁亶在朔方奏判

軍事開元中為平盧節度使詩二首

邊詞

五原春色舊來遲二月垂楊未挂絲  
即今河畔水開日正是長安花落時

戲詠

先天中王主敬為侍御史自以才望華妙當入省望前行忽除膳部員外微有悵惋

故敬忠戲之

有意嫌兵部專心望考功誰知腳踏蹬  
幾落省牆東

膳部

在省最東北隅也



史俊

史俊官監察御史曾刺巴州詩一首

題巴州光福寺楠木

近郭城南山寺深亭亭奇樹出禪林結根幽壑不知歲  
聳幹摩天凡幾尋翠色晚將嵐氣合月光時有夜猿吟  
經行綠葉望成蓋宴坐黃花長滿襟此木嘗聞生豫章  
今朝獨秀在巴鄉凌霜不肖讓松柏作宇由來稱棟梁  
會待良工時一晒

一作傾

應歸法水作慈航

御定全唐詩卷七十五

欽定四庫全書

御定全唐詩卷七十六

徐彥伯

徐彥伯名洪以字行兗州瑕丘人七歲能為文對策高第調永壽尉蒲州司兵參軍時司戶韋暹善判司士李亘工書而彥伯屬辭稱河東三絕屢遷給事中預修三教珠英由宗正卿出為齊州刺史移蒲州擢修文館學士工部侍郎歷太子賓客卒彥伯文章典綉晚年好為

疆澁之體頗為後進所效集二十卷今編詩一卷

儀坤廟樂章

唐書樂志曰儀坤廟樂迎神用永和次金奏皇帝行用太和酌

獻登歌用肅和迎俎用雍和肅明皇后室酌獻用昭升昭成皇后室酌獻用坤貞飲福用壽和送文舞出迎武舞入用舒和武舞用安和撤俎用雍和送神用永和

永和

猗若清廟肅肅熒熒國薦嚴祀坤興淑靈有几在室有樂在庭臨茲孝享百祿惟寧

金奏

陰靈效祉軒曜降精祥符淑氣慶集柔明瑤俎既列雕  
桐發聲徽猷永遠比德皇英

擬古三首

遙裔煙嶼鴻雙影旦夕同交翰倚沙月和鳴弄江風蒞  
若茂芳序君子從遠戎雲生陰海沒花落春潭空紅淚  
掩促柱錦衾羅薰籠自傷瓊草綠詎惜鉛粉紅裂帛附  
雙燕為予向遼東

讀書三十載馳騫周六經儒衣干時主忠策獻闕廷一

朝奉休盼從容厠羣英東身趨建禮秉筆坐承明  
相填噎僚吏紛縱橫五日休澣時屠蘇繞玉屏  
橘花覆北沼桂樹交西榮樹棲兩鴛鴦含春向我鳴  
皎潔綺羅豔便娟絲管清擾擾天地間出處各有情  
何必巖石下枯槁閑此生

顏光無淹晷逝水有迅流綠苔紛易歇紅顏不再求  
歌笑當及春無令壯志秋弱年仕闕輔移門豁御溝

一作門豁

王御溝

數愉東城際婉孌南陌頭荷花嬌綠水楊葉暖青

樓中有綺羅人可憐  
名莫愁畫屏繞金膝  
珠簾懸玉鈎  
纖指調寶琴  
泠泠哀且柔  
贈君鴛鴦帶  
因以鸚鵡裘  
向一作曉吟日坐閨  
夕秉燭遊無作  
北門客吐吐懷百憂

贈劉舍人古意

女牀閔靈鳥  
文章世所希  
巢君碧梧樹  
舞君青瑣闥  
或言鳳池樂  
撫翼更西飛  
鳳池環禁林  
仙閣靄沈沈  
璇題激流日  
一作目珠綴絳清陰  
郁穆絲言重  
熒煌台座深  
風張丹朶  
翮月弄紫庭  
一作素琴音衆一作雙  
綵結不散孤英跂

莫尋浩歌在西省經傳恣潛心

一作浩歌在蘭渚婉孌故倚心

和李適答宋十一入崖口五渡見贈

聞有獨徃客拂衣捐世心結欣薄枉渚撰念縈舊林經  
亘去崖合冥絲歸壑深琪樹環碧彩金潭生翠陰沿洄  
弄沙榜詭一作危仄眺明岑夕聞桂裏猿曉玩松上禽雜  
佩蘊孤袖瓊敷綴雙襟我懷滄洲想懿爾白雲吟秉願  
理方協存期跡易尋茲言庶不負為報巖中琴

雪



雪暗窮海雲灑空紛似露朔風吹故里宛轉玉階樹孤  
妾調玉瑟早寒生錦衿况君張羅幙愁坐北庭陰

比干墓

大位天下寶維賢國之鎮殷道微而在受辛慕顏肩山  
鳴鬼又哭地裂川亦震媒黷皆佞諛虜劉盡英雋孤卿  
帝叔父特進貞而順玉牀逾皜潔銅柱方欹歛奉國歷  
三朝觀竅明一瞬季代猖狂主蓄怒提白刃之子彌忠  
謹憤然更勇進撫膺誓隕越知死故不愆已矣竟剖心

拈婦亦同殉，驪龍暴雙骨。太嶽摧孤仞，周發次商郊。寬  
骸悲莫殓，鋒劔勦遺孽。報復一何迅，駐罕歌淑靈。命徒  
封旅櫬，自爾銜幽酷。于嗟流景駿，丘墳被宿莽。壇祀緣  
飛燐，貞觀戒北征。維皇念忠信，荒墳護草木。刻桷吹煨  
燼，代遠恩更崇。身頽名益振，帝詞書樂石。國饌羅芳鮮，  
偉哉烈士圖，竒英千古徇。

題東山子李適碑陰二首

并序

噫嘻李公生，自號東山子。死葬東山，豈其識哉神。

交者歌薤露以送子歸東山為詩鐫于碑陰云

隴嶂縈紫氣金光赫氛氲美人含遙靄桃李芳自薰  
高黃鶴羽寶奪驪龍羣忽驚薤露曲掩噎東山雲

回也實天折賈生亦脆促今復哀若人危光迅風燭一作

危迅風前燭

夜臺淪清鏡窮塵埋

一作掩

結綠何以贈下泉生

芻唯一束

淮亭吟

貞寂慮兮淮山幽憐芳若兮學中洲崩湍委咽日夜流

孤客危坐心自愁矧鶴唳兮風曉復猿鳴兮霜秋熠燿  
飛兮蟋蟀吟倚清瑟兮橫涼琴擷瑤芳兮弔楚水弄琪  
樹兮歌越岑山碣礪兮隈曲水涓漣兮洞汨金光延起  
兮驟興沒青苔竟兮綠蘋歇綠蘋歇兮凋朱顏美人寂  
歷兮何時閑君不見可憐桐栢上丰茸桂樹花滿山

芳樹

玉花珍簟上金縷

一作  
鏤

畫屏開曉月憐箏柱春風憶鏡

臺箏柱春風吹曉月芳樹落花朝暝歇橐砧刀頭未有期

時一作攀條拭淚坐相思

遊禁苑幸臨渭亭遇雪應制

玉律藏冰候彤階飛雪時日寒消不盡風定舞還遲瓊  
樹留宸矚璇花入睿詞懸知穆天子黃竹謾言詩

奉和送金城公主適西蕃應制

鳳扆憐簫曲鸞閣念掌珍羌庭遥築館廟策重和親星  
轉一作去銀河夕花移玉樹春聖心悽送遠留蹕望征塵

幸白鹿觀應制

鳳輿乘八景龜籙向三仙  
日月移平地雲霞綴小天  
金童擎紫藥玉女獻青蓮  
花洞留宸賞還旗繞夕煙

胡無人行

十月繁霜下征人遠  
鑿空雲搖錦車節  
海照角端弓暗磧

一作雪

埋沙樹衝飈卷塞蓬方  
隨膜拜入歌舞玉門中

倥偬

君恩忽斷絕妾思終未央  
中櫛不可見枕席空餘香  
窗暗網羅白堦秋苔蘚  
黃應門寂已閉流涕向昭陽

採蓮曲

妾家越水邊，搖艇入江煙。  
既覓同心侶，復采同心蓮。  
折藕絲能脆，開花葉正圓。  
春歌弄明月，歸櫂落花前。

孤燭歎

一作閨怨

切切夜閨冷，微微孤燭然。  
玉盤紅淚滴，金燼彩光圓。  
煖手縫輕素，嘯蛾續斷弦。  
相思咽不語，回向錦屏眠。

閨怨

征客戍金微，愁閨獨掩扉。  
塵埃生半榻，花絮落殘機。  
褪

暖蠶初卧巢昏燕欲歸春風日向盡銜涕作征衣

餞唐州高使君赴任

香萼媚紅滋垂條紫綠絲情人拂瑤袂共惜此芳時  
驪已躑躅烏隼方葳蕤跋予望太守流潤及京師

奉和幸新豐溫泉宮應制

姬典歌時邁虞編記省方何如黑帝月玄覽一作運白雲

鄉翠仗縈船岸明旂一作旂應萑音負陽風搖花眊彩雪豔

寶戈芒御陌開函一作油次離宮夾樹行桂枝籠驤裒松



葉覆

一作  
蔭

堂皇仙石

一作  
女

含珠液溫池孕璧房湧疑神

瀆溢澄

一作  
泛

若帝臺漿獨沸流常熱潛蒸氣轉香青壇

一作  
坻

環玉梵紅礎

一作  
淀

鑠金光藻曜凝芳潔歲蕤獻淑

祥五龍歸寶算九鳥叶時康同預華封老中衢祝聖皇

### 同韋舍人元旦早朝

夕轉清壺漏晨驚長樂鐘逶迤綸禁客假寐守銅龍予  
亦趨三殿肩隨謁九重繁珂接曙響華劍比春容相問  
韶光歇彌憐芳意濃願言乘日叶攜手即雲峰

侍宴韋嗣立山莊應制

鼎臣休澣隙方外結遙一作心別業青霞境孤潭碧樹

林每馳東墅策遙弄北溪琴帝眷紆一作時豫台園賞幸行

歲陰移鑾明月沼張組一作白雲岑御酒瑤觴落仙壇

竹徑深三光一作懸聖藻五等冠朝簪自昔皇恩感一作

自愧承感言獨自一作今恩感

送特進李嶠入都祔廟

特進三公下台臣百揆先孝圖開寢石祠主卜牲筵恩

級青綸賜徂裝紫索懸綢繆金鼎席宴餞玉潢川北斗  
分征路東山起贈篇樂池歌綠藻梁苑藉紅荃騎轉商  
巖日旌搖闕塞煙廟堂須鯁議錦節佇來旋

春閨

戍客戍清波幽閨幽思多暗梁聞語燕夜燭見飛蛾寶  
鴨一作藏脂粉金屏綴綺羅裁衣卷紋素織錦度鳴梭  
有使通西極緘書寄北河年光只恐盡征戰莫蹉跎

奉和興慶池戲競渡應制

夾道傳呼翊翠虬天回日

一作地

轉御芳洲青潭曉靄籠

仙蹕紅嶼晴花隔綵旒香溢金杯環廣坐聲傳

一作搖

妓

舸匝中流羣臣相慶嘉魚樂共哂橫汾歌吹秋

苑中遇雪應制

千鍾聖酒御筵披六出祥英亂繞枝即此神仙對瓊圃

何煩轍迹向瑤池

上巳日被禊渭濱應制

晴風麗日滿芳洲柳色

一作御幕

春筵被錦流皆言侍蹕

一作

侍曲橫汾一作璜溪宴暫似乘槎一作輕飛天漢遊

夜宴安樂公主新宅應制

鳳樓開闔引明光花酌一作醕連添醉益香欲知帝女薰

天貴金柯一作珂玉柱夜成行

餞唐永昌

金溪碧水玉潭沙鳧翩翩弄日華鬪雞香陌行春倦  
為摘東園桃李花

侍宴桃花園

源水叢花無數開  
丹跗紅萼間青梅  
從今結子三千歲  
預喜仙遊復摘來

石淙

碧淀紅岑崿嶂間  
淙嵌狀岨洿成灣  
琪樹璇娟花未落  
銀芝甗竈露初還  
八風行殿開仙榜  
七景飛輿下石關  
張薦席雲平圃  
讌焜煌金記蘊名山

御定全唐詩卷七十六